

武

備

志

武備志卷一百四十二

防風茅元儀輯

軍資乘

餉

八

米鹽

太白陰經曰一軍萬二千五百人八日支米二升、
一月六斗、一年七石二斗、一軍日支二百五十石、
一月七千五百石、一年九萬石、以六分支粟、一人
支粟三升三合三勺三抄三圭三粒、一月一石、一

年一十二石、一軍一年十四萬七千五百、內小月
支九斗六升六合六勺六抄六圭六粒、其大麥八
分、小麥六分、蕎麥四分、大荳八分、小荳七分、碗荳
七分、麻七分、黍七分、并依分數折米、人鹽人一日
支半合、一月一升五合、一年一斗八升、一軍一日
六石二斗五升、二月一百八十七石五斗、一年二
千二百五十石、

宴犒

太白陰經曰、宴犒酒一人二升、二百五十石、羊一

口、分爲二十節、六百二十五口、牛肉代羊肉、一人
二斤、二萬五千斤、白米、一人五合、六十二石五斗、
糯米、一人三合、三十七石五斗、薄餅、一人二番、麪
一斗作二十番、一百二十五石、捻頭、卽饅頭、一人一
枚、麪一斗作三十枚、四十一石六斗六升七合、饅
餅、一人一箇、一斗麪作十箇、麪一百二十五石、蒸
餅、一人一顆、麪一斗作十顆、一百二十五石、饅餅
一人一番、麪一斗作三十番、四十一石六斗六升
七合、饅餅、卽饅子、一人二顆、麪一斗作一百顆、五十五

石、鰾、鱮、一人一箇、麩一斗、作八十箇、十五石六斗、
二升五合油、一升、煮麩一斗、一石五斗六升二合、
膏糜、一人三合、用糯米三十七石五斗菜、一人五
兩三千九百六斤四兩、羊頭蹄、六百二十五具、充
簽醬、羊肝肺肚、六百二十五具、并血充羹鹽、三人
一合、四石一斗六升七合、醬、人半合、六石二斗五
升、醋、人一合、一十二石五斗、椒、五人一合、二石五
十薑、十人一兩、七十八斤二兩、葱、二人一兩三百
九十斤十兩

礦砂

宋史食貨志曰，陶冶，凡金銀銅鐵鉛錫監冶場

二百有一，金產商饒歙撫四州，南安軍銀產鳳建桂陽三州，有三監，饒信處越衢處道福汀漳南劍韶廣英連恩春十七州，建昌邵武南安三軍，有五十一場，秦隴興元三州，有三務，銅產饒處建英信汀漳南劍八州，南安邵武二軍，有三十五場，梓州有一務，鐵產徐兗相三州，有四監，河南鳳翔同虢儀蘄黃袁英九州，興國軍，有十一冶，晉磁鳳禮道

渠合梅陝耀坊虔汀吉十四州有二十務信鄂連
建南劍五州邵武軍有二十五場鉛產越建連英
春邵衢汀漳南劍十州安南邵武二軍有三十六
場務錫產河南南康虔過賀潮循七州南安軍有
九場水銀產秦階商鳳四州有四場朱砂產商宜
二州富順監有三場冶之興廢不常而歲課增損
隨之皇祐中歲得金萬五千九十五兩銀二十
萬九千八百二十九兩銅五百一十萬八百三
四斤鐵七百二十四萬一千斤鉛九萬八千一百

五十一斤錫三十三萬六百九十五斤水銀二
二百斤其後以赦書從事或有司所請廢冶百餘
既而山澤興廢至治平中或增冶或復故者六十
有八而諸州阮冶總二百七十一登萊商饒汀南
恩六州金之冶十一登號秦鳳商隴越衢饒信虔
郴衡漳汀泉建福南劍英韶連春二十三州南安
建昌邵武三軍桂陽監銀之冶八十四饒信虔建
漳汀南劍泉韶英梓十一州邵武軍銅之冶四十
六登萊徐兗鳳翔陝儀邢號磁虔吉袁信澧汀泉

建南劍英韶渠合資二十四州，興國邵武二軍鐵之冶七十七，越衢信汀南劍英韶春連九州，邵武軍鉛之冶三十，商號虔道賀潮循七州，錫之冶十六，而水銀丹砂之冶與至道天僖之時則一皆置，更主之是歲視皇佑金減九千六百五十六銀增九萬五千三百八十四，銅增一百八十七萬鐵錫增百餘萬鉛增二百萬，又得丹砂二千八百餘斤，獨水銀無增損焉。元豐元年，諸阬冶金總收萬七百一十兩銀二十一萬五千三百八十五兩，銅千

南渡尚
如此何
況全廢
時且還
宇遠過
宋耶

四百六十萬五千九百六十九斤鐵五百五十萬
一千九十七斤鉛九百十九萬七千三百三十五
斤錫二百三十二萬一千八百九十八斤水銀三
千三百五十六斤朱砂三千六百四十六斤十四
兩有奇南渡坑冶廢興不常歲入多寡不同今以
紹興三十二年金銀銅鐵鉛錫之冶廢興之數一
千一百七十及乾道二年鑄錢司比較所入之數
附之湖南廣東江東西金冶二百六十七廢者一
百四十二湖南廣東福建浙東廣西江東西銀冶

一百七十四廢者八十四、潼川湖南利州廣東浙
東廣西江東西福建銅冶一百九、廢者四十五、舊
額歲七百五萬七千二百六十斤有奇、乾道歲入
二十六萬三千一百六十斤有奇、淮西夔州成都
利州廣東福建浙東廣西江東西鐵冶六百三十
八廢者二百五十一、舊額歲二百一十六萬二千
一百四十斤有奇、乾道歲入八十八萬三百斤有
奇、淮西湖南廣東福建浙東江西鉛冶五十二、廢
者一十五、舊額歲三百二十一萬三千六百二十

斤有奇、乾道歲入一十九萬一千二百四十斤有奇、湖南廣東江西錫冶一百一十八廢者四十四、舊額歲七十六萬一千二百斤有奇、乾道歲入二萬四百五十斤有奇、

唐順之曰、出礦地方杭州府桐廬富陽縣界五寶山、每百斤用生鐵五斤煎得銀七八兩、銅三十斤、嘉靖三十七年、私開二日、紹興府會稽縣銀山壩、礦面沙泥、每百斤銀二兩五錢、礦未開、目今盜泥日可得銀三百兩、疏開爲鄉、寧波府觀海的山、每百斤銀七

八兩前同金華府義烏縣八寶山每百斤低者出銀

二十兩極好者出銀六七百兩日可出千石江南

第二礦也嘉靖三十八年衢州府西安縣桐山源

鐵煎每百斤銀七八兩至二十兩止日可出銀千

餘兩嘉靖五年以來開化縣大尖塢鐵鉛煎

每百斤銀三兩至八兩止日可出三百兩嘉靖十八年王

太監開一次三十七年胡軍門委宋照磨陳江家

塢每百斤銀三兩鉛四五十斤日可出一二百兩

苦竹坑泥礦每百斤出銀一兩日可得銀千兩處三

同嚴州府淳安遂安界梓樹塢每百斤三兩起至
二十兩止老山每百斤出銀二兩日可出二百兩
私開五杭州府於潛縣天目山每百斤銀三兩湖
六年州府孝豐縣每百斤銀三兩至二十兩止嘉靖三
州府孝豐縣每百斤銀三兩至二十兩止嘉靖三
胡軍門開四日地江西廣信府常山玉山界每百
方強不肯與開斤出銀三十兩日可得三百石永楊坑礦色如沂
州礦而礦味香甜每百斤出銀三十兩至七八百
兩止江南第一礦也嘉靖三十五年私開大池州
府銅陵縣鐵石坦礦未詳獲利疏請官開而未行

擇礦法上等紫色者或黑色者嚼之如蠟其味如蜜每一兩煎得銀五錢者謂之金水平分此爲絕好其中或煎銀五錢以上者亦好次一等乃雞糞礦其形如麥芽碎碎塊黑白相兼每一兩煎銀八錢上下者又次一等乃黃沙礦其形黃色碎如米粒每一兩煎得銀六七錢者外有常號每一兩煎得銀二三錢以上四種該用之物不拘數目取多多益善大約以二十斤爲率可多不可少凡所得礦石就用本洞之土本地之水調和拌勻

如此開
河患其
擾故曰
有治人
無治法
我亦曰
有亂人
無亂法

餅內好生封固，毋令泄氣爲妙。外有真出山一瓦，鉛取五六十斤，每斤內有銀三五錢者，取來作用。開法以地方大戶主收煎，以油糧戶主採取，假如礦一百斤，值銀十兩，油糧戶只作五兩賣與大戶，使二人均利。人已均稅，納官官以廉能者董其役，監取三日三夜通融計之，什分取一，取大戶并油糧戶甘結造清冊入官，數日一納國稅。如有利則開者必不自止，如無利則開者自息矣。

武備志卷一百四十三

防風茅元儀輯

軍資乘

餉元

醫藥

茅子曰軍中之疾莫急於金瘡故首之次則其中藥毒者也又次則烟火所傷者也又次則墜馬馬咬者也此四者非軍不傷故先之大軍羣聚則有疫瘡時地相戾則有襍症嚴寒冒觸則士有皸瘡

讒毀憂危則將有癰疽故并附之若其它則自有岐黃家在也

金瘡

中毒

溺死壓死附

火傷

馬傷

疫瘡

雜症

卒死
喉痛

霍亂

中暑

中寒

痢疾

輟療

癰疽

金瘡

許洞曰：八爲兵器所傷出血者，必甚渴，卽不可與水飯。所食之物，旋毛在吻，須乾食。食肥膩之物，無所妨害。貴解渴而已。不可過多飲粥，則血沸出，人必死矣。所忌者有八焉：一曰嗔怒，二曰喜笑，三曰大言，四曰勞力，五曰妄想，六曰熱羹粥，七曰飲酒，八曰酸鹹。此八者，犯之鮮有不死矣。夫金瘡不可治者有九：一曰傷腦，二曰傷天倉，三曰傷臂中跳脉，四曰傷

大腸小腸曰傷五臟此九者皆死處又有金瘡不可治者四焉曰腦髓出曰腦破而咽喉中沸聲兩目直視曰痛不在傷處者此謂傷經曰出血不止前赤後黑或自肌肉腐臭寒冷堅實其瘡難愈此四者皆不可療矣除此之外復論其脉脉虛細者生數實者死沉小者生浮大者死其所傷在陽處失血過度而脉微緩忽疾者死矣

唐順之曰夫金瘡者木乃春之權金乃秋之令春則萬物發生故曰春屬震以爲東方甲木之氣秋

則萬木凋零故曰秋屬兌以爲西方庚金之氣中
金瘡乃刀斧劍刃之所傷故名金瘡其色所喜淡
紅色者良萬不失一所惡者紫紅色百無一生金
瘡屬金主與肺患金瘡者則忌咳嗽嘔噦翻胃肺
之症亦宜避風爲要蓋風所屬巽木如風入瘡口
肺金反尅而成破傷則至瘡口浮腫潰瘍穢爛故
名破傷風變生餘症患甚者多致不救雖有治法
宜辯瘡口淺深脉之虛實吉凶見矣所喜者胃氣
益旺飲食如常脾胃屬土胃氣旺則元氣壯氣血

生金瘡亦宜戒怒遠色。怒則瘡迸裂，變生贅肉。慾則瘡口腐爛，以損新肌。凡治金瘡，用敷口之藥，所主乳沒竭、靈蓋乳石之類，自始至終不可不用。此藥用之，則生肌止痛，活血全生，可保無虞。凡服湯藥，必以助胃補血爲主，以爲治金瘡之大意。金瘡雖有變易，各有治法，居於邊隘，不日刀箭之所傷，非此聖藥，安能治之。塞垣軍旅之間，罹於毒者，若非秘方，必至危殆者多矣。學者宜細觀之。

王鳴鶴曰：夫折傷者，謂爲物所傷於身體，或犯刀

弁或墜墮險地，或爲撲跌傷筋，挫骨損皮破肉，致傷生有死血，出不止者，有瘀血停積於臟腑，結而不散者，治之不早，則有入腹攻心之患，不可勝言。凡遇前症，當視所傷輕重，如皮未破而肉損者，必有瘀血停積，先宜逐去瘀血，然後和血止痛。若肌肉裂破流血過多者，宜調血養氣，兼補脾胃爲主。

治金瘡用百草方

五月五日平旦，使四人出四方，於五里外採一

方草木莖葉，每種各半把，勿令脫漏。是日午時，確擣用極爛，仍先揀好石灰一斗同杵之，復選大實拊三兩杵，鑿破作竅，令可受藥。然後分藥實於竅中，堅築之畢，卽以麻皮繫之，用麻擣石灰密泥，不令洩氣。更以皮纏定，令牢。到九月九日午時取出，陰乾百日。藥成，擣之，暴令極乾，更擣，用絹羅之。凡有金瘡傷所出血，用藥封裹，勿令轉動，不過十日，卽瘡矣。不膿不腫。
傷後數日始得藥，須先用溫水令血出，卽傳

又乳香方

乳香 一兩

沒藥

三錢

天靈蓋

五錢

能壓邪不內關

血竭

一錢

黃連

二錢

花薤石

二錢

要淡

珠末

二兩

能止痛生肌

散血

治肺家症候

金芮

五片

能鎮

壓止痛生肌

黃丹

一錢

右方用降真姜搗爛同服并傳瘡口一云用冬

瓜一云用松枝嚼爛

又方

以童便一碗入酒半碗煎沸溫服以防惡血攻

心之患

治金瘡肚腹腸出者

右以避風處用麻油潤手安腸入內以桑皮作線縫之更以熱鷄血塗上一夜次用止痛生肌散或花蕊散敷貼仍用磁石三兩燒紅醋七次擣碎研如粉鐵精三兩滑石三兩并爲細末研勻傳於腸胃別將磁石末用粥調下一錢日三四服或將前傳藥溫酒調下亦可

治金瘡至重者用寸金丹

天花粉

三兩

姜黃

一兩

赤石藥

二兩

白芷

一兩

右爲末，凡筋斷脉絕，血盡人危，須用繩索及絹帶扎住血路，然後用此藥，以茶清調敷，用軟絹縛之，其血立止，其腫頓消。若金瘡着水，番花者，可用韭汁調敷瘡口兩傍，以火微炙之，或用稻稈烟薰之，瘡口水出卽愈。

治金瘡并木石損傷者

用好陳石灰六兩，研碎篩過，綿紋大黃一兩，切塊，同石灰鍋中炒過，紫色爲度，去大黃，再篩過。

傳傷處立效

治金瘡初傷者，用辟風止痛方。

當歸

五錢，剉，微炒。

川椒

五錢，去目及閉口者，微炒出汗。

澤瀉

五錢。

芎藭

一兩。

附子

一兩，去皮臍。

右擣羅爲末，以溫酒調下一錢，日三服。

治金瘡疼痛不可忍者，用禁聲飲。

防風

天南星

湯泡，各等分。

右爲飲片，每服五錢，水酒各一盞，生薑一片，煎至八分，食遠溫服，三服有效。

治金瘡血出不止用龍骨方

龍骨

一兩剉微炒

芎藭

一兩

熟地黄

一兩

烏樟根

三兩

突厥白

一兩

鹿茸

一兩

去毛酥炙令微黃色

右爲末，傳瘡上，血卽止。如服以溫酒調下二錢，

日三服。

又方

馬齒莧

韭菜根

蓮鬚葱

陳石灰

右等分，共擣爲餅子，陰乾爲末，乾摻其血卽止。

又方

白馬糞

不拘多少

右曬乾爲末，乾摻其血卽止。

又方

乳香

沒藥

兒茶

桑皮

炒

龍骨

水飛

石膏

煨水飛

黃丹

水飛

真三漆

右各等分，爲末摻之，其血卽止。

又方

先以井花水一盆，用碎白紙浸於水中，凡血流之處，將水紙於四畔流，則再上待止，方可用藥。

治金瘡去血過多昏暈等症用芎歸湯

川芎 五錢

當歸 一兩

右共爲片水煎臨服入童便酒各一大杯熱
治殺傷不透膜者

乳香 一錢

沒藥 一錢

右研爛以小便半盞好酒半盞同藥通口服然
後用傳藥

又傳藥方

花蕊石散

龍骨 或烏賊魚骨

右爲末、等分、傳瘡口立止。

治金瘡內漏者

金瘡通內血者爲內漏、脇脹不能食者死、瘀血脹在腹內、脉牢大者

生、沉、細、者死、

蛭虫

三十枚、去翅足微炒、

水蛭

三十枚、微炒、

桃仁

一兩、湯浸、去皮尖雙仁、麩

炒微

桂心

一兩、錢

川大黃

三兩、剉碎微炒、

右爲末、每服二錢、用童便一鍾、煎至五分、溫和

滓服、日五服、夜三服、如無童便、用水并酒代、

服訖、然後傳藥、

又傳藥胡粉方

胡粉

二兩

乾薑

二分、爲末

生栗子

二分、陰去皮爲末

治金瘡內爛生蛆者

用皂礬飛過爲末乾摻其蛆卽死

治金傷或壓傷或墜傷而瘀血在內胸腹脹滿喘促氣短者用當歸導治散

當歸

大黃

各二兩

右共爲末每服二錢不拘時童便和酒調服
治金瘡腐肉未去者用去腐散

土丹

水飛淨、一兩、微炒

天一石

一兩、火煨、通紅、取置地上出火毒

右共爲末，用磁罐收貯，傳瘡上，待腐肉化爲黃水，去盡，肉肌淡紅色，方換，歛口生肌散。

治金瘡未收口者，用蕊蜴歛口生肌散。

花蕊石 一兩

乳香 一兩
爲末 沒藥 一兩
爲末

右藥俱須極真者，先將花蕊石在炭火中煨紅，於二末內蘸，令烟，再煨，再蘸，以末盡爲度，取出，地上出火毒。

治破傷風

先有破傷風邪，藥入瘡口，其症大似傷寒，而瘡口驟結白痂，是其驗也，或發熱

或寒熱間作，甚則口禁，目邪，身體強直，如角弓反張之狀，死在旦夕矣。法當詳傷寒處治，因其有在

表在裏，半表半裏，三者之不同，故不離乎汗下和三法也。是故在表者汗之，在裏者下之，在半表半裏之間者宜和解之。初傷在表，用羌活防風湯，又不可過其法也。

羌活

防風

川芎

藁本

當歸

白芍藥

甘草

各四兩

右㕮咀，每服各一兩，水二盞，煎至一盞，去滓溫服，不拘時，量緊慢加減用之。熱加黃芩，大便閉加大黃一兩。

治破傷風癰腫疼痛，體發寒熱，用玉真散。

天南星

一兩

防風

一兩

右共爲末，傳於瘡口，又以香油潤之，後以溫酒調一錢服。

治破傷風牙關緊急，如角弓反張者。

卽以前方用二錢，以老酒入童便少許，嚥服立效，不愈再一服有驗。

又方

天麻

白芷

川芎

去皮各二錢

草烏

雄黃

各一錢

右爲末，酒和丸如桐子大，每服十九，溫酒送下，治破傷風，口不語者。

赤箭 一兩 桂心 三分 防風 三分

巴豆

二分，去皮及心，然後研之，極爛，用紙裹藥去油。

附子

三分，去皮，臍炮裂。

吳茱萸

五錢，湯浸七次，焙乾微炒。

硃砂

一兩，水飛過。

乾蝎

五錢，生用。天南星 三分，泡令裂白，用附子五錢泡制。

右擣羅爲末，用醪醋三升熬膏，丸如梧桐子大，每服三丸，不拘時候，以熱蔥酒下，服後汗出效。

治箭頭不出者

蜣螂

自死者一枚。

土狗子

三箇。

婦人髮灰

少許。

右先將蜣螂去壳，取其白肉，與二味同研如泥。

用生油塗中箭處、塗後內作癢、卽以兩手蹙之、其箭自出、

治肉中箭頭不出者

巴豆

一枚、去皮、

膩粉

一分、

砒霜

少許、

磁石

五錢、

蜣螂

一枚、

右爲末、以雞子清和、丸如綠豆大、先以針撥開瘡、用生男子乳汁化一丸、再撥破處、上用醋麵紐封貼、常癢、癢極不可忍、其簇自出也、多年者兩上、當年者一上卽出、

治骨中箭頭不出者

雄黃 一錢

蜣螂 一分

石灰

一分，研作末，以牛糞燒之，令赤色。

威靈仙 一分

朝桂鼠

一枚，去頭取血。

右四藥爲末，入鼠血，煨蜜爲丸，如黃米大，納瘡口中，其箭不論遠近自出。

治箭頭出後服食方

牡丹皮

五錢

鹽

五錢

白欬

五錢

右爲末，每於食前溫酒調下二錢。

治毒箭所中者

笋根 一兩

藍葉

一兩

紫檀

五錢

石灰

二兩，研作末，以牛糞

火燒
令赤

右爲末、不拘時候、以藍葉汁調下一錢、粥飲下
亦可、

又方

搗藍葉汁一升飲、滓傳瘡上、若無藍、取青布漬
絞汁服之、并淋瘡中、簇不出、搗鼠肝塗之、鼠腦
亦可用之、卽出、

又方

雄黃

一分
細研、

粉霜

五錢
細研、

巴豆

三枚、去皮、別
研如泥、生用、

蜈蚣

四兩研末生用

右用研勻以銅筋頭取乳汁塗點瘡上頻頻用之次日箭頭自出

治毒箭及馬汗方

蚩虫大者去翼於端午日收之陰乾爲末每服一錢挑破瘡口以藥傳之然後以醋麵糊紙厭面貼之卽追出毒也

又方

石灰

二兩研末以牛糞火燒令赤色

蜜陀僧

一兩

黃栢

五錢、剉、以膩粉研爛爲末、

右共爲末、每用先以鹽水洗瘡、後用藥傳之日、一換之、

治中毒箭後皮肉瘀腫者

梨母子

一斤、煉研去核、

鹽麩子

五兩、搗之、暴乾更搗、用絹羅之、去粗滓、

葦荳

三兩、炒熟、

石灰

二兩、研末、以牛糞火燒令赤色、

藍子

五兩

黃連

三兩、去鬚、

獨顆栗子

三兩、生用、

黑荳

三兩、炒熟、

大糞灰

五兩

赤芍藥

三兩

右爲末、煉爲膏、每服一茶匙、日三四服、

治打撲損傷癰痛者

用葱頭切爛炒焦搗搭患處冷則再易止疼消
癰散瘀

武備志卷一百四十四

防風茅元儀輯

軍資乘

餉十

醫藥二

中毒 溺死壓死附

治中百毒者

凡中毒從酒得者難治酒性行諸血脉遍身體故難治也因食得者易治

食與藥俱入于胃胃能容毒或逐大便泄出毒氣未流于血脉故易愈也

用甘草同黑豆煎湯嚥之

又方

以麻油嚙之

又方

以芫荽根搗汁半盞和酒服之

又方

硝砂仁 生韭汁 藍石

右各單用水調下

又方

石菖蒲

白礬

等分

右爲末、新汲水調下、

又方

淡豉 蔥 麥門冬

右水煎服

又方

真雄黃

研末、

右冷酒服、凡諸藥汁解毒者、皆不可熱飲、能使毒氣愈甚、宜冷服之、乃效、

治中砒霜毒者

鬱金末 二錢

右入蜜少許，冷水調服。

又方

升麻 不拘

右蜜煎冷服

又方

杏核 不拘

右連仁搗爲末，米飲調服

又方

白豆不解

右爲末冷水調服

又方

醬調水服

又方

飲醎醋以吐之

又方

飲水解之

又方

鉛粉

不拘

右取地漿水調服

又方

寒水石 藁豆

等分

右以藍根研水調下

又方

白芷

不拘

右爲末水調下

又方

蠱

治中蠱毒者

凡造蠱之家用毒有日如正月則用

日五月五日六月六日七月七日八月八日九月九日十月十日十一月十一日十二月十二日凡

蠱毒有五種

治法皆同

馬兜零根

三兩

右咬咀分三服水煎去滓空腹頓服隨時吐出
蟲未吐再服以吐爲度

又方

生甘草

五錢

右以水濃煎頓服吐痰卽愈

又方

胡荽根

不拘

右搗汁半盞不計時服其蟲卽下和酒服尤妙
白雞血亦好

又方

鵲鴿熱血隨多少服

治中蠱吐血者

小麥麴

一合

右分兩服冷水調下，半日當下。

治中蠱下血者

蝟皮

燒灰細研不拘

右熟水調服二錢

又方

升麻

不拘

右爲末，汲溪水調服。

治中酒毒者

大黑豆一升

右煮汁二升服一吐即愈

又方

生螺螄肉

又方

草澄茄

又方

葛花

治中百藥毒者

橫紋甘草

又方 右截成小塊，麻油煎過，不拘時常嚼，久而致效。

生了蠶殼紙

右燒末細研，每服一錢，用冷水調下，頻服取瘥。雖中毒而面青脉絕腹脹吐血者，服之立活。

又方

薺芎

以其與毒藥共處，毒皆歇也。

右取根搗汁飲

又方

藍汁

右用水調服

又方

白扁豆

右用水調服

又方

大小豆

右用水調服

又方

白礬

爲末、一兩、

右水調嚥、耳鼻中皆出黑血、勿怪、

治中丹藥毒者

嬰粟子研去子、煎至腐、入姜蜜和萱草根研十服、再用四物湯香蘇散各一劑和煎服、

又方

鉛粉

右地漿水調服之

又方

淡竹葉

右濃煎服之

又方

猪膚脇骨煎汁研瓜蔓根汁飲之

又方

藍汁

又方

羊血

又方

菹豆

治中服附子酒多而覺頭腫如斗唇裂目流者
急求黑菹豆各數合嚼之及煎湯飲

治服風藥多而悶亂不醒者

用醋嚙濃煎甘草同生薑自然汁飲之

又方

螺頭青

右細研用新汲泉水調下

治服諸藥過劑悶亂者

葛粉

胡粉

藍青汁

地漿

豉汁

乾薑

飴糖

黃連

等分

右水調下、

治中飲食毒心煩悶者

苦參

不拘

右煮汁飲之、吐出卽止、

治中諸菜毒者

甘草

胡粉

貝母

等分

右爲末水服

小兒溺服愈

治中瓜毒者

瓜皮湯服愈

又方

鹽湯服愈

治中柑毒者

柑皮湯服愈

治中梨毒者

梨葉湯服愈

又方

鹽湯服愈

治中野菜毒者

上漿水服愈

治中野菌毒而笑者

煎桑椹汁服愈

又方

急採鴛鴦草生啖之、卽忍冬草

又方

防風 不拘

右剉碎以水煎候冷嚥之立愈

又方

石首魚頭

右以白水濃煮嚥之

又方

土漿水飲三盞愈

治中六畜肉毒者

壁土

右水調一錢服

又方

白扁豆

不拘

右燒末服

又方

黃栢

不拘

右燒末服

治中馬肉毒者

蘆根汁服愈

又方

蘆根作湯浴

治中馬肝毒者

狗糞

不拘

右酒調服

又方

猪骨

不拘

右燒末服

又方

生韭汁服、愈、

又方

頭垢吞服、愈、

治中狗肉毒者

杏仁 三兩

右和皮研、熱湯調、溫服三盞、吐出、愈、

治中牛肉毒者

猪牙 不拘

不為灰水調服、

又方

井水

治中猪肉毒者

猪糞

不拘

右燒末水調下三服愈、

治中鴨肉毒者

糯米泔

右溫服一中盞愈、

治中雞子毒者

醇醋

右飲數鍾愈

治中河豚毒者

梅花腦子

不拘

右爲末水調服

又方

五倍子 白礬

等分

右爲末水調服

又

藍青 不拘

右按汁嚥下

又方

青黛 不拘

右水調下

又方

生蘆根 不拘

右搗汁服

治中諸魚毒者

橘皮

不拘

右煮汁服

又方

馬鞭草

不拘

右煮汁服

又方

黑豆

右煮汁服

又方

太黃 不拘

右煮汁服

又方

朴硝 不拘

右煮汁服

又方

生蘆根 不拘

右搗汁服

治中蠶毒者

紫蘇

右濃煎一二盞飲

又方

生藕

不拘

右搗汁服

又方

乾蒜

不拘

右煮汁服

治中鴆鳥毒者

生扁豆

不拘

右爲末溫水下

又方

葛粉

不拘

右以水調服

治中挑生毒者

凡喫魚肉瓜菓皆可挑生、初中毒

日、則物生、能動躍、騰上則胃痛、明日漸加攪刺、滿

忽腫起如癰癰狀、頃刻間大如碗、沉下則腹痛、脇下

香甜

卽是、

搗小升麻爲細末，取冷熱水調，二大盞連服之。洞下瀉出生蔥數莖，根鬚皆具，瘡卽消，續煎平胃散飲之，日食白粥卽愈。

治中生挑毒在上膈者

卽上則胃痛是也

用熱茶一甌，投膽礬半錢于茶中，候礬化盡，通口呷服，良久卽以雞翎探喉中，卽吐出。

治生挑毒在下膈者

卽下則腹痛是也

用米飲下鬱金末二錢，卽瀉下其毒，次用人參白朮各五錢爲末，用無灰酒納瓶內，慢火熬半

日許度酒熟溫溫服之每日一盞五日乃

後飲食如故

治悞食桐油者

飲熱酒解

又方

乾肺

又方

甘草汁服愈

治中瘴氣者

犀角

又方

雄黃

又方

麝香

又方

羚羊角

治中邪氣入腹者

升麻

犀角

射干

等分

右末水調服、

治中飛絲毒者

嚼蘇葉愈

治生漆惹人成毒者

生椒葉不拘

右煎湯洗

又方

雞子黃

右塗患處

又方

白松菜

治溺水死者 以下俱附

用皂莢爲末，綿裹塞糞門，放大橈上臥，腳後墊起一二磚，用鹽擦鼻中，待水自流出，切不可倒提出水，但心下溫皆可救。

又方

急解衣帶，用艾炙臍中，令二人以蘆管吹其耳，卽活。

治溺死微有氣及冬月凍死者

脫去濕衣，假人熱衣包之，用大米炒熱熨心上，炒竈土令熱，以囊盛熨心上，冷則緩之，令暖，通溫，以熱酒或薑湯或粥飲少許，嚥之，卽活。

治木石壓死并從高跌死，氣絕不能下者，

急擘開口，以熱小便嚥之。

又方

用豆豉一大盞，水兩碗，煎三沸，去渣服。

火傷

王鳴鶴曰、凡煙火所傷、切不可用冷水、冷物、熱得冷氣、則却而擊搏、爛人筋骨矣、

治方

用麻油煎黃蜀葵花傳上

又方。

用爛黃柑汁塗之

又方

多年白螺螯殼不拘

右火煨爲末、瘡破乾摻、不破清油調傳、

又方

側柏葉 不拘

右搗爛傳

又方

寒水石 大黃 黃柏 等分

右共爲末密調傳之

馬傷

治墜馬而內有瘀血者

地黃 五斤

右搗碎置鐺中熬乾以無灰酒一十五升入
飲之

治劣馬咬傷者

絞馬糞汁服之并以此洗瘡愈

武備志卷一百四十五

防風茅元儀輯

軍資乘

餉十一

醫藥三

疫瘡

治疫病

茵陳

二兩

大麻仁

五兩、研如膏

豉

五合、炒

常山

三兩

梔子

二兩

芒硝

二兩、細研

鰲甲

二兩、塗醋、令去裙襖

杏仁

二兩、湯浸

去皮尖雙仁、巴豆一兩，去皮心，炒令黃紙

麩炒微黃色

巴豆

裹壓去油，細研爲末

右合勻煉和，搗幾百杵，丸如梧子大，每服三丸，
粥飲下，或吐，或利，或汗，如不再餌之，更不以熱
粥飲投之，老少以意加減。

又方

梔子

二十枚

乾葛

五兩

大黃

五兩

芒硝

五兩

茵陳

二兩

右爲散計，飲二服，必利，如不利，投熱粥數匙，則
利。

又方、

麻黃

一兩、去根節、

牡蠣粉

一合

蜀漆

五錢

甘草

五錢

犀角屑

五錢

知母

五錢

右爲末、用水二大盞、慢火煎、去滓、分爲三服、日

起、午、初夜、服之、

治疫病初起一二日、頭痛身熱、骨節痛、用芎蘇散、

川芎

十兩

紫蘇

一斤

陳皮

十兩

茯苓

十兩

甘草

十兩

乾葛

二十兩

半夏

十兩

柴胡

二十兩

枳殼

十兩

桔梗

十兩

香附

十兩、炒、

右共爲末，每用兩許，薑蔥送下，衣覆取汗，如冬月加白芷麻黃八兩。

治疫病初起一二日，諸症俱發，兼飲食停滯，嘔吐無汗等症，及山巒瘴氣，雨濕蒸氣，或中寒腹痛，吐痢，中暑冒風吐瀉，不服水土，用藿香正氣散。

藿香

二十兩

蒼朮

一斤

厚朴

一斤

陳皮

一斤

半夏

一斤

茯苓

一斤

白芷

一斤

桔梗

一斤

紫蘇

一斤

大伏皮

一斤

甘草

十兩

右共爲末，每服一二兩，薑湯下。

治疫病三四日得汗後未解，眼眶痛，或寒熱往來，口苦嘔吐，用柴胡雙解散。

柴胡 黃芩 半夏 人參 甘草

乾葛 茯苓 陳皮 芍藥

各等分

右薑三片，棗一枚，水煎服。

治疫病三四日後，熱盛大，便不通用，河間雙解散。

薄荷 一兩 黃芩 一兩 連翹 一兩 石膏 一兩

滑石 七錢 川芎 一兩 麻黃 八錢 桔梗 一兩

甘草 一兩 朴硝 五錢 荊芥 一兩 防風 二兩

四錢

當歸

一兩二錢

芍藥

一兩

梔子

一兩

白朮

一兩五錢

大黃

審病加減

右共爲粗末，每用一兩五錢，再量病虛實加減，白滾湯下煎服亦可。

治天行暗時氣

甜瓜蒂

丁香

赤小豆

各四十枚

右三味爲末，和井花水服之，然後取赤大豈作末，分吹兩鼻中，須臾取汗，黃色如蘖，及出黃涎，或痢，或吐，皆愈。

治瘧疾初發，片藿香正氣散一二服，二三服，
鬼哭丹截之。

黑豆

四百九十粒

菡豆

四百九十粒

雄黃

二兩五錢

信石

二兩

右爲末蒸餅爲丸如芡實大，每服一九，冷水下，
忌熱飲食一日。

治山瘴發瘧者

常山

三兩

烏梅

二十枚

獨顆蒜

一枚

甌帶

三寸

右以酒二大盞煎一大盞，作二服，初一服未發
時吃，次一服將發時候服，安臥頭左側。

雜症

治卒暴百病中惡口禁停尸卒死及心腹諸疾者
用備急丸

巴豆

大黃

乾薑

各等分

右爲末蜜糊杵千下丸如小豆大三丸苦酒下
如口不開折齒嚙之或提其髮用匙鑰勾開下
齒亦可嚙入

治霍亂吐瀉方

桑葉

握

扁竹

一握

八錢剉末，用水二大盞服。

治中暑霍亂，用益元散。

滑石 六兩 甘草 一兩

右共爲細末，涼水調下。如冬月發，炒鹽湯調下。

治中寒霍亂

吳茱萸 鹽炒

右煎服，再用茱萸煎湯熨臍下。

治中暑者，用黃連香薷飲。

黃連 半斤 香薷 一斤 厚朴 半斤 甘草 四兩

右每用四兩水一大釜煎二三沸去渣涼服暑月無病亦宜遍與服之則無中暑之患

治中暑途中死者

移置陰處急取路上熱土於死人肚上作窩多令人尿溺於臍中又取路上熱土并大蒜同研爛水調去滓嚥下切不可用冷水嚥沃及以冷物逼外得冷卽死

治中寒厥冷僵仆者

急以繩束葱二斤切去兩頭如餅式火上燒研

安胎下上用火熨之卽甦無葱則以湯濕布不
臍下上用帶火熱灰熨之

又服藥方用附子理中丸

人參

甘草

炙

白朮

乾薑

炮

附子

製各等分
人參減半

右爲丸鷄子黃大滾沸湯插下

治痢疾初發用化滯丸

丁香 一兩

胡椒

一兩

巴豆霜

一兩

右爲末麩糊爲丸菉豆大每服二十丸量人加
減白湯下

治痢疾應止及泄瀉者用加味香連丸

五倍子

炒四兩

黃連

炒二兩

吳茱萸

一兩

木香

一兩

右爲末，煮棗肉爲丸，梧桐子大，每服三四十丸，米湯下。

治血痢

生犀角

五兩

阿膠

炒四兩

黃蘗

四兩

艾葉

二兩

乾薑

二兩

右爲末，米飲湯調下。

治咽喉一時疼痛，水米難入者。

急用土牛膝草根不拘多少洗淨搗爛加水一大杯米醋半小盞絞汁徐徐嗽吐其汁嗽盡卽效

鞭瘡

音巾諱

許洞曰士卒涉水踏冰蒙犯霜雪寒風所切凌凍所苦或失於飲食肌體虛劣故頭目手足鞭瘡血出也

治方

一猪脂洗之立止

又方

川椒四合以水煮之去滓清之半食須出令澡須臾後浸乾卽塗羊脂腦髓

又方

取艾葉濃煎汁熱洗之卽愈

治戰瘰已成瘡者

以羊髓熬成膏油入黃丹攪勻令凝塗三五日卽愈

又方

用清油半兩以慢火煎沸入黃蠟一塊同煎
溶入官粉五倍子末少許熬令稠紫色爲度
以熱湯洗火上烘乾卽用藥傳上以薄紙貼之

又方

用瀝青一兩黃蠟一兩共熬攪勻瓦罐盛貯先
以熱湯洗令皮軟拭乾將藥用慢火略烘溶傳
之

又方

用茄子根濃煎湯洗過以黃栢爲末猪油調傳

治手足指節皸裂欲墮者

用萊州青石作器物者以刀細刮取末如欲落指節尚有柱紋縷微連便以石末厚覆其上以帛纏之止痛十日即安矣

癰疽

治諸毒用萬病解毒丹

山茨菇

皮洗焙

又蛤

一名五倍子二兩槌破洗焙

千金子

去殼

揀色白者紙包研

紅牙大戟

一名紫大戟一兩五錢洗焙

瑞香

三錢研

右製法宜端午七夕重陽或天月德黃道上吉日修合量藥多寡預期數日前主人及醫者俱齋戒沐浴於靜室焚香將前五味各爲極細末重羅兩遍依方用糯米濃飲調和於木臼內杵千下極光潤爲度每錠重一錢每服一錠病勢重者連服通利一兩行用溫粥補住一切飲食藥毒蠱脹瘴氣惡菌河豚死牛馬蛇蠱等諸毒並用涼水磨服南方蠱毒瘴癘傷人纔覺意思不快卽磨服一錠或吐或利隨手便愈癰疽發

背對口、天蛇頭、無名疔、瘡、楊梅等、一切惡瘡、諸風、隱癰、赤瘡、未破、及痔瘡、並用無灰淡酒磨服、及用凉水調塗瘡上、日夜各數次、覺痒立效、

治一切癰疽、托裏、止疼痛、護臟、用仙方蠟礬丸、

黃蠟

一兩、黃色好者、溶開、離火、

白礬

一兩、

右和勻、用衆手急丸、梧桐子大、每服十丸、漸加至二十丸、熱水或溫酒送下、日進二服、卽消、

治發背癰疽、去病根、免傳變、不動元氣、用轉毒丹、

車螯

一兩、紫背、光厚者、以鹽泥固、

甘草

一分、

輕粉 五分

右共爲細末，每服四錢，溫酒調下。

治癰疽發背，用神仙截法。

真麻油

斤，魚十數
沸，傾出候冷。

右用無灰酒二碗，浸油內，重湯溫五大盞許，稍熱，通口急服，一日盡之爲妙。

治癰疽便毒，用如神散。

明白礬

不拘多少

右端午日晒，臨用取五錢爲細末，葱白七根，搗

爲大丸，以滾酒送下，汗出爲度。

治發背及小癰癤，用立效散。

紫色皂角刺

半斤，不用枯者，細剉，火炒赤。

生粉草 二兩

乳香

五錢，別研。

沒藥

五錢，別研。

瓜蒌

五箇，去皮取肉，并仁，研碎，炒黃色，如乾者

不必炒。

右共爲細末，每服二錢，無灰好酒調下，無時候，治有尖小癰癤疼痛發熱者。

生粉草節，不炙不焙，只日晒乾，若無日，只於焙籠蓋上微火烘乾，碾爲細末，以熱調二三錢服。

連追數服疼、痛與熱皆止

治小癰癰初起者

橄欖核

七枚

右燒灰存性碾爲末、酒調下、連服卽消、卽潰亦
易治、

治一切瘡毒、不問已潰未潰、焮痛發熱者、

槐花

一升炒黃

右熱酒調服、卽消